

## SIGARILYAS

Scientific Name: *Psophocarpus tetragonolobus* (Linn.) DC.  
Family: Leguminosae



Ang seguidillas o sigarilyas ay isa rin kilalang gulay ditto sa Pilipinas. Ito'y pangmatagalang pananim na nakatutubong mabuti sa lupang tumana. Maitanim ito mula Abril hanggang Hunyo at mula Setyembre hanggang Disyembre.

### Paraan ng Pagtanim

Ihandang mabuti ang lupa. Magtanim ng 2-4 na buto sa may 3 sentimetrong lalim na butas sa bawat tundos na isang metrong agwat sa hanay ng mga tudling na may 1.5 metrong pagitan. Maglagay ng mga tulos na kahoy o kaya'y balag na 1.5 metrong taas upang may magapangan ang tanim.

Maglagay ng abono upang makaani nang marami sa loob ng maraming taon. Magtanim ng 6-8 kilong binhi sa isang ektarya. Pagkaraan ng 4-5 buwan pagtanim ay mamumunga na ito.